

# DOBLE MOTIBO DI SATISFACCION

Pa: Mercedes Abdul

Mi kier a tuma un espacio den nos edicion Special di awe, cu nos ta celebrando e 18 aniversario di existencia di nos corant stima, DIARIO, pa mi elabora sikiera un tiki, riba loke tabata pa mi motibo di doble satisfaccion, ora mi a viaha pa Maracaibo hunto cu e delegacion cultural di Aruba cu a participa den e desfile inaugural di "La Feria de la Chinita".

Tabata pa mi un satisfaccion grandi di a mira cu cuanto entusiasmo e grupo Arubiano a representa Aruba dignamente, sin spaar esfuerso, no importa e obstaculo cu a surgi y cu ta bon conoci caba. Un grupo di sernan humano tremendo, cu a gana mi curazon y mi simpatia. Pero tambe tabata pa mi un momento di hopi alegria ora mi a cera conoci cu e dele-



gacion artistico di Costa Rica, forma pa un grupo hubenil di Baile Folclorico acompaña pa nan instructor y otro adulto. Mesora cu nan a haya sa cu mi ta di Costa Rica nan a acerca mi na un manera hopi cariñoso, haci mi mil y un pregunta riba mi bida na Aruba y pakico mi a bin biba aki, y na dado momento nan a cuminsa canta cancionnan di mi pais natal, loke a traha hopi riba mi emocion. Pero algo a sosode cu a haci mi curazon hincha di orguyo, y esey tabata ora mi a scucha un di e organizadornan di Venezuela papia asina bon di e grupo di

"Ticos", sin cu e mes tabata sa cu mi ta Costarricense. Papiando cu otro Venezolano el a expresa palabranan di admiracion pa un grupo di hoben asina bon educa, colegial cu otro, y hopi mara na regla y disciplina, y cu un calidad di presentacion halto. Hasta ta asina cu nan a worde invita hunto cu e gruponan di Colombia pa duna un show special, riba diadomingo atardi, na un centro cultural di Maracaibo. Mi no por a keda sin mencion a experiencia aki pasobra mi kier comparti mi sentimento cu e Colonia

Costarricense residente na Aruba, cu por cierto, mi ta lamenta cu apesar di ta un colonia asina chikito, aunke sin mal intencion, pero di hecho, nos ta asina distancia for di otro. Sinembargo mi ta sigur cu nan lo sinti orguyoso tambe di esaki. Por cierto den e grupo tin un hobencita cu raiz Arubiano, ken ta sobrina di Dr. Bermudez. Cu hopi cumindamento di parti di Lourdes pa su tio mi kier finaliza e articulo aki. Den potret, por aprecia e grupo folclorico hubenil aki, cu ohala algun dia lo por a bin haci presentacion na Aruba.

**DIARIO CELEBRANDO 18 AÑA**

**Pabien**

na e matutino  
cu ta tene e pueblo  
bon informa tur dia

**TROPICAL**  
Bottling Company

**DIARIO CELEBRANDO 18 AÑA**

**Pabien**

na e matutino  
cu ta tene e pueblo  
bon informa tur dia

**SUPERMERCADO  
FAVORITO**

**18 DIARIO**

Pa 18 aña caba, Arubiano por mira nan mes y nan mundo refleha den boso corant.

**Kok Optica**

Examen di Wowo  
Bril di bista  
Contact lens  
Bril di solo

Diferencia pa bo cara... placer pa bo wowo!